



FRISIUS filius fuit Clogij regis Francorum. Hic cum magnis corporis et animi uirtutibus esset præditus, à patre regioni, quæ mari Germanico adiacet, præficitur, anno creationis mundi termillemo noningentesimo sexagesimo. Is itaq; eam gentem de se Frisios cognominauit, atq; Francorum consensu ibi regnum inchoauit. id tamẽ ea lege permissum, ut posthac Frisiæ reges Francis subiecti essent, & in singulos annos ducẽtos sexaginta boues pro tributo soluerent, ac cum Francis (ut cæteri quoq; amici & socij) communia bellorum munia obirent. Eas leges Frisius liberali animo suscepit, & egregiè obseruauit. Itaq; æternam nomi-

nis sui memoriam ob multa beneficia præstita apud Frisios obtinuit. Thrith, in Franc. regib. Ioan. Func. in Chronologia.